

P R Æ F A T I O.



ILLIS è rebus, illustrissimi Principes, Rectores Magnificētissimi, Domini clementissimi; dignissime Cancellarie, Patres, & Senatores amplissimi; Patroni, Fautoresque colendissimi; illis è rebus, de quibus diligentem apud me sæpe cogitationem suscepi; vix est alia, qua meum ego vel sæpius, vel intentiùs animum voluta- uerim; quàm, si quid in me foret ingenij; si qua, siue solu- ti, siue ligati sermonis copia (quæ omnia sentio quàm sint in me tenuia) si quis denique meorum vel nunc esset stu- diorum vsus, vel deinceps aliquis futurus; hunc omnem ità mihi, quous loco, tempore, occasione, facultate qua- uis instituereliceret; vt clarissimas vestras ad laudes, & ornamenta varia referretur.

Vt sic & pro priuata, & publica singulorum, illustris- simi, magnificentissimi, dignissimi, & amplissimi vestri Ordinis in me continua modò, sex lustrorum, clementia, gratia, beneficiãque, non in Vos tantùm præsentem, qui hodie Rempublicam Scholasticam Tubingensem non minùs feliciter, quàm sapienter vnà gubernatis; grati hominis nomine censerer: sed in eos quoque piam, dignamque recordationem colere viderer; qui, per hoc dictum, quo Tubingæ verfor, tempus; ex ordine vestro vitam cum morte, pio discessu, commutârunt.

Etenim & hi pari clementia, contentione, pietate, studio semper laborârunt, & Vobiscum aduigilârunt; vt hæc celebratissima, felicissimaque vestra Schola, quàm flo- rentissima plarisque Vobis, & Posteris, à se, tanquam per manus tradita relinqueretur.

Sed